

INTERCAMBIO LITERARIO A CORUÑA - TIFLIS EN RESIDENCIA

BASES DA CONVOCATORIA:

1 OBXECTO:

A presente convocatoria ten por obxecto fixar as bases reguladoras que establecen a Residencia Literaria 1863 e o Writers' House of Georgia –en colaboración co Concello da Coruña– para impulsar o **Intercambio literario A Coruña - Tiflis en residencia**. Dita bolsa apoiará unha residencia de creación literaria para autores/as coruñeses/as en lingua galega en Xeorxia e para autores/as xeorxianos/as en Galicia, por un mes de duración (en concreto, setembro de 2023).

2. FINALIDADE:

O **Intercambio literario A Coruña - Tiflis en residencia** ten como finalidade o estímulo e promoción da creación literaria dos e das autoras da cidade da Coruña nunhas condicións de excelencia, así como a súa proxección internacional.

Fornecer aos e ás escritoras empadroadas na cidade herculina –así coma, en contrapartida, aos e ás de Xeorxia– dun espazo, un tempo, un contexto e unhas condicións óptimas para a enteira dedicación ao seu propio proxecto de escrita creativa, dentro dun ámbito internacional, constitúe así mesmo o obxectivo deste programa.

Se a persoa becada na capital de Xeorxia gozará do contacto con outros autores internacionais aloxados nas outras catro suites da Writers' House –unha mansión Art Nouveau da época zarista en pleno corazón histórico da cidade de Tiflis– a que resida na Coruña terá acceso prioritario a museos, galerías, bibliotecas, concertos, encontros literarios, obras de teatro e outros eventos nunha cidade igual de segura que aquela e que conta cunha rica e diversa vida cultural.

3. PRAZO DE PRESENTACIÓN E PERÍODO DE SOLICITUDE:

As solicitudes para concorrer ao **Intercambio literario A Coruña - Tiflis en residencia** deberán presentarse antes do día 15 de xuño de 2023 ás 22:00h.

Unha vez seleccionada e anunciada a persoa á que se conceda esta bolsa de intercambio en residencia, gozará da mesma ao longo do mes de setembro de 2023. Nomearase así mesmo unha persoa suplente en caso de cancelación.

O candidato ou candidata elixida deberá chegar á capital de Xeorxia ao comezo de dito mes natural e marchar ao remate do mesmo (non se admiten chegadas ou saídas a metade de mes).

4. REQUISITOS DAS PERSOAS SOLICITANTES:

Poderán concorrer á presente convocatoria individualmente calquera escritor/a –maior de dezoito anos– empadroad/a na cidade da Coruña, con ao menos un libro publicado (en galego).

5. PATROCINIO:

Promovida pola Residencia Literaria 1863 co patrocinio do Concello da Coruña pola parte galega, este programa de intercambio en residencia ofrece una bolsa de traslado, manutención e aloxamento –ao longo dun mes– para escritores/as coruñeses/as no Writers' House of Georgia (Tiflis) e para escritores/as xeorxianos/as na Residencia 1863 de A Coruña.

6. PRESENTACIÓN DE PROXECTOS E FORMALIZACIÓN DE SOLICITUDES:

Para solicitar o **Intercambio literario A Coruña – Tiflis en residencia**, en concorrencia competitiva, cada autor ou autora poderá presentar un único proxecto de escrita de creación.

As solicitudes incluirán, anexos, documentos de texto (en .doc, .docx, .odt ou .pdf) que aborden os seguintes apartados:

- **(1) Bio-bibliografía** redactada nun máximo de dúas páxinas (incluíndo nome completo, DNI, certificado de empadramento e datos de contacto).

- **(2) Memoria de PROXECTO:** Descrición do proxecto literario que se pensa desenvolver durante a residencia en intercambio (Máx. 2 páxinas). Pódese facer mención do fío condutor, sinopse, tema/s principais, estrutura, forma, trazos de estilo e/ou calquera outro detalle que permita ao comité de valoración facerse unha idea o máis aproximada posible do plan creativo a procurar.
- **(3) Dossier literario:** escolma literaria capaz de actuar como mostra representativa do traballo literario do ou da solicitante (Máx. 10 páxinas).
- **(4) Carta de motivación** para solicitar este **Intercambio literario A Coruña - Tiflis en residencia**, de non máis dunha páxina de extensión (Máx. 1 páxina).

Unha vez preparados todos estes documentos, enviaranse nun único e-mail, que incluírá os datos do autor ou autora, ao enderezo electrónico: 1863coruna@gmail.com, sempre antes das 22:00h do día 15 de xuño de 2023.

Os mails deberán indicar no 'asunto': "Intercambio literario A Coruña - Tiflis en residencia"

No caso da candidatura non se recibir completa, a participación será desestimada e o/a solicitante descartado/a da convocatoria.

7. SELECCIÓN E CRITERIOS DE VALORACIÓN:

Os proxectos presentados serán sometidos a un proceso de selección por un Comité de Valoración designado pola Residencia Literaria 1863 e a Área de Cultura do Concello da Coruña. Estará composto por especialistas en escrita galega, quen seleccionarán –de xeito debidamente xustificado– as mellores candidaturas a este intercambio en residencia.

Decidirase, de tal modo, o nome da persoa que traballará en Xeorxia en residencia, así como inmediatos/as suplentes en caso de cancelación.

O comité de valoración elixirá o proxecto que considere merecedor do intercambio en residencia, avaliando:

- calidade artística e viabilidade do proxecto literario.
- excelencia da traxectoria literaria previa.
- idoneidade da carta de motivación.

8. RESOLUCIÓN E PUBLICACIÓN DO RESULTADO DA CONVOCATORIA

Adxudicado tras o proceso selectivo o **Intercambio literario A Coruña - Tiflis en residencia**, notificarase á persoa seleccionada –e máis ao/á suplente– durante a segunda metade do mes de xuño de 2023 e no enderezo electrónico facilitado.

Entenderanse desestimadas as solicitudes presentadas que non se acollan ás bases polas que se resolve esta convocatoria. Non se manterá correspondencia cos ou coas solicitantes que queden fóra da selección final.

9. OBRIGAS DAS PERSOAS BENEFICIARIAS:

As persoas que, nos anos sucesivos, resulten beneficiarias desta convocatoria terán a obriga de cumprir as seguintes obrigas:

- Comunicar por escrito, no prazo de quince días naturais dende a comunicación da concesión do **Intercambio literario A Coruña - Tiflis en residencia**, a aceptación do mesma e das bases que a regulan. De non facelo, enténdese que renuncia á praza, pasando a concederse á persoa suplente seleccionada a tal efecto.
- Destinar o **Intercambio literario A Coruña - Tiflis en residencia**, e a correspondente estadía no Writers' House of Georgia/Residencia Literaria 1863, a profundar na súa escrita creativa, seguindo –o máis axustadamente posible– o proxecto descrito na memoria presentada coa solicitude.
- Aceptar e cumprir o acordo que rexerá a correcta utilización das instalacións das Residencias en Xeorxia e Galicia, de xeito respectuoso, adecuado e responsable, e estritamente polo período pactado. Non se admitirán cónxuxes, familiares, acompañantes nin tampouco animais de compañía nas residencias, que se entenden destinadas ao concentrado desenvolvemento individual do traballo creativo do escritor ou escritora. Así mesmo, a persoa que viaxe a Galicia deberá ser alguén conscientemente capaz de residir só/soa e con autonomía polo espazo dun mes.
- Presentar unha breve memoria final (máximo 200 palabras) que valore a experiencia aproveitada e o posible impulso ao propio traballo literario, capaz de orientar a futuros/as solicitantes. Haberá de se

remitir ao correo electrónico da correspondente Residencia dende cinco días antes a quince días despois do fin da estadía.

- Se, no futuro, o traballo literario desenvolvido durante o intercambio en residencia chegase a ser publicado, deberase facer constar que a creación de dita obra foi impulsada no Writers' House of Georgia/na Residencia Literaria 1863 co patrocinio do Concello da Coruña e grazas ao **Intercambio literario A Coruña - Tiflis en residencia**.

10. FINANCIAMENTO DO INTERCAMBIO EN RESIDENCIA:

O billete de avión en clase turista desde A Coruña ata Tiflis/Tiflis ata A Coruña –destinado ao aproveitamento do intercambio en residencia– terá unha única entrada e saída e non estará a outro nome que ao da persoa beneficiaria.

O candidato ou candidata elixida deberá, antes de viaxar a Xeorxia/Galicia, dispoñer dun mínimo seguro médico que cubra: repatriación, gastos de hospitalización e gastos médicos.

A estadía en Tiflis inclúe ampla suite con espazo de traballo e cuarto de baño, auga, luz, internet e servizo de limpeza; acceso a zonas comúns como cociña, salón, terraza e xardín, no corazón do casco histórico da moi segura e tranquila capital xeorxiana e dentro dunha xoia arquitectónica cargada de historia. A manutención durante o mes de estadía quedará igualmente cuberta a través dun estipendio para gastos básicos (almorzo por conta do Writers' House).

11. OBSERVACIÓNS:

A concorrencia a este intercambio en residencia suporá a total aceptación destas bases.

Para calquera dúbida concreta, estritamente relacionada con este programa de Intercambio en Residencia, poden dirixirse a yolandacastano@hotmail.com.